

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj:17/00, 1/05 i 11/06), člana 26. Zakona o izvršenju Budžeta Tuzlanskog kantona za 2007. godinu („Službene novine TK“, broj:3/07) i odluke o utvrđivanju kriterija, uslova i postupaka za raspodjelu sredstava sa budžetske pozicije 24010004 - „Nauka“ za 2007. godinu broj: 02/1-14-3193/07 od 17.5.2007. godine, Ministarstvo obrazovanja, nauke, kulture i sporta Tuzlanskog kantona, raspisuje:

JAVNI POZIV

za podnošenje zahtjeva o ostvarenju prava na sufinansiranje potreba u oblasti nauke

I

Raspisuje se javni poziv za podnošenje zahtjeva za ostvarenje prava na sufinansiranje troškova u oblasti nauke u 2007. godini u skladu sa Odlukom o utvrđivanju kriterija, uslova i postupaka raspodjele sredstava sa potrošačke jedinice 24010004 - nauka.

Prioriteti u raspodjeli sredstava u oblasti „Nauke“ su:

- Potrebe i interesi Tuzlanskog kantona i Federacije Bosne i Hercegovine,
- Potrebe i interesi Univerziteta i drugih naučno-istraživačkih ustanova,
- Razvoj naučno-istraživačke djelatnosti,
- Razvoj međunarodno priznatih i usvojenih patentnih rješenja.

II

Raspodjela sredstava za sufinansiranje potreba u oblasti nauke vršit će se u skladu sa budžetom Tuzlanskog kantona, Zakonom o izvršenju budžeta za 2006. godinu i Odlukom o utvrđivanju kriterija, uslova i postupaka raspodjele sredstava sa potrošačke jedinice 24010004 - „Nauka“ u ukupnom iznosu od 230.000,00 KM.

Planiranim sredstvima sufinansirat će se:

1. Organiziranje naučnih skupova (kongresa, simpozija, konferencija, seminara, sastanaka),
2. Učešće naučnih radnika na naučnim skupovima u zemlji i inozemstvu na kojima izlazu svoje naučne radove,
3. Naučno - istraživački i istraživačko - razvojni projekti,
4. Dio troškova izrade i odbrane doktorskih disertacija,
5. Dio troškova izrade i odbrane magistarskog rada,
6. Dio troškova postdiplomskog studija,
7. Dio troškova objavljivanja naučnih radova u časopisima koje indeksira Current Contents.

Za sufinansiranje dijela troškova organiziranja naučnih skupova, kongresa, simpozija, konferencija, seminara i sastanaka mogu se odobriti sredstva u najvišem iznosu do 3.000 KM.

Za sufinansiranje dijela troškova učešća naučnih radnika na naučnim skupovima u zemlji i inozemstvu na kojima izlazu svoje naučne radove, mogu se odobriti sredstva u najvišem iznosu do 400 KM.

Za sufinansiranje dijela troškova učešća naučnih radnika na naučnim skupovima u inozemstvu na kojima izlazu svoje naučne radove, mogu se odobriti sredstva u najvišem iznosu do 600 KM.

Za sufinansiranje dijela troškova izrade naučno - istraživačkih i istraživačko - razvojnih projekata, mogu se odobriti sredstva u najvišem iznosu do 5.000 KM.

Za sufinansiranje dijela troškova u prezentaciji i izlaganju patentnih rješenja, dodjela sredstava je uvjetovana potrebama iskazanim u zahtjevu.

Za sufinansiranje dijela troškova izrade i odbrane doktorske disertacije mogu se odobriti sredstva u najvišem iznosu do 2.000 KM.

Za sufinansiranje dijela troškova izrade i odbrane magistarskog rada mogu se odobriti sredstva u najvišem iznosu do 1.300 KM.

Za sufinansiranje dijela troškova objavljivanja naučnih radova u časopisima koje indeksira Current Contents mogu se odobriti sredstva u najvišem iznosu do 500 KM.

Za sufinansiranje dijela troškova postdiplomskog studija mogu se odobriti sredstva u najvišem iznosu do 50% troškova postdiplomskog studija u tekućoj akademskoj godini, zavisno od prirode postdiplomskog studija (društvene, humanističke, prirodne i tehničke nauke).

Za sufinansiranje dijela troškova postdiplomskog studija dobitnika zlatne i srebrne plakete Univerziteta i socijalno ugroženih kategorija mogu se odobriti sredstva u najvišem iznosu do 60% troškova postdiplomskog studija u tekućoj akademskoj godini, zavisno od prirode postdiplomskog studija (društvene, humanističke, prirodne i tehničke nauke).

Za sufinansiranje dijela troškova učešća naučnih radnika na naučnim skupovima mogu se odobriti sredstva za najviše dva kandidata sa liste učesnika na naučnom skupu.

III

Za sufinansiranje dijela troškova organiziranja naučnih skupova, kongresa, simpozija, konferencija i seminara organizatori su dužni priložiti:

1. Naziv pravnog lica - organizatora, adresa, telefon,
2. Finansijski plan sa potpunom specifikacijom troškova za organizaciju naučnog skupa, kongresa, simpozija, konferencije,
3. Dokaz o osiguranim sredstvima iz drugih izvora,
4. Identifikacioni broj,
5. Spesimen potpisa sa brojem žir, odnosno naziv banke i broj žir pravnog lica otvorenog kod banke i filijala,
6. Navesti iznos sredstava koji se traži od Ministarstva obrazovanja, nauke, kulture i sporta.

Za sufinansiranje dijela troškova učešća naučnih radnika na naučnim skupovima u zemlji i inozemstvu na kojima izlazu svoje naučne radove kandidati su dužni priložiti:

1. Naziv pravnog lica u kojem je kandidat zaposlen, adresa, telefon,
2. Cijena koštanja povratne karte,

3. Iznos kotizacije,
4. Dokaz o osiguranim sredstvima iz drug. izvora,
5. Ukoliko nema osiguranih sredstava iz drugih izvora, kandidat je obavezan pod punom materijalno i krivičnom odgovornošću o tome dostaviti pisanu izjavu,
6. Pismo poziva za učešće i potvrdu da je rad prihvaćen,
7. Identifikacioni broj (za pravna lica),
8. Spesimen potpisa sa brojem žir, odnosno naziv banke i broj žir pravnog lica kod banke i filijala (za pravna lica fakultet/univerzitet),
9. Kopija lične karte izdate od CIPS-a i kopiju kartice tekućeg ili žiro računa kandidata,
10. Navesti iznos sredstava koji se traži od Ministarstva obrazovanja, nauke, kulture i sporta.

Dokumenti pod rednim brojem 6 kandidat može naknadno dostaviti.

Za sufinansiranje i finansiranje naučno - istraživačkih i istraživačko - razvojnih projekata potrebno je priložiti:

1. Naziv, obrazloženje i kratak sadržaj projekta, biografski i bibliografski podaci o voditelju i učesnicima projekta,
2. Finansijski plan sa potpunom specifikacijom troškova za izradu naučno - istraživačkih i istraživačko - razvojnih projekata,
3. Dokaz za voditelja projekta da je naučni radnik sa naučnim stepenom doktora nauka,
4. Dokaz o osiguranim sredstvima iz drugih izvora i da je projekat usvojen,
5. Identifikacioni broj,
6. Spesimen potpisa sa brojem žir, odnosno naziv banke i filijala,
7. Navesti iznos sredstava koji se traži od Ministarstva obrazovanja, nauke, kulture i sporta.

Naučno - istraživačke projekte mogu prijaviti naučno - istraživačka pravna lica: naučni instituti, univerziteti, fakulteti i druga pravna lica registrovana za objavljivanje naučno - istraživačkog rada. Naučno - istraživačka pravna lica koja podnose prijavu moraju raspolagati naučno - istraživačkim kadrom, infrastrukturom i opremom koja omogućava realizaciju projekta i postizanje utvrdjenih ciljeva. Ekspertna komisija izvrši će ocjenu naučnog sadržaja podnijetih prijava u pogledu originalnosti, aktuelnosti, kvaliteta predloženih istraživanja, vrijednosti očekivanih rezultata, podobnosti podnosioca prijave i voditelja projekta, rokova i ukupne cijene projekta. Projektni tim dužan je podnijeti detaljan finansijski izvještaj o utrošku sredstava Ministarstvu obrazovanja, nauke, kulture i sporta Tuzlanskog kantona, u roku od 30 dana od dana završetka projekta. Pozitivna ocjena Ministarstva obrazovanja, nauke, kulture i sporta Tuzlanskog kantona o postizanju utvrdjenih ciljeva, biće referenca za buduće finansiranje naučno - istraživačkih projekata od strane Ministarstva obrazovanja, nauke, kulture i sporta Tuzlanskog kantona.

Za sufinansiranje dijela troškova izrade i odbrane doktorske disertacije kandidati su dužni priložiti:

1. Odluku Senata Univerziteta o prihvatanju izvještaja komisije o podobnosti kandidata i teme doktorske disertacije,
2. Potvrda fakulteta o troškovima prijave i odbrane doktorske disertacije,
3. Izjava kandidata potpisana i ovjerena od strane nadležnog organa, da kandidat ličnim sredstvima finansira prijavu i odbranu doktorske disertacije,
4. Pismo preporuke od strane institucije gdje aplikant radi,
5. Dokaz o osiguranim sredstvima iz drugih izvora,
6. Identifikacioni broj,
7. Spesimen potpisa sa brojem žir, odnosno naziv banke i broj žir pravnog lica kod banke i filijala (za pravna lica fakultet/univerzitet),
8. Kopija lične karte izdate od CIPS-a i kopiju kartice tekućeg ili žiro računa kandidata.

Za sufinansiranje dijela troškova izrade i odbrane magistarske radnje kandidati su dužni priložiti:

1. Odluku nastave - naučnog vijeća o podobnosti kandidata i teme magistarske radnje (kopija),
2. Izjava kandidata potpisana i ovjerena od strane nadležnog organa, da kandidat ličnim sredstvima finansira odbranu magistarskog rada,
3. Potvrda fakulteta o troškovima odbrane magistarskog rada,
4. Pismo preporuke od strane institucije gdje aplikant radi,
5. Dokaz o osiguranim sredstvima iz drugih izvora,
6. Identifikacioni broj,
7. Spesimen potpisa sa brojem žir, odnosno naziv banke i broj žir pravnog lica kod banke i filijala (za pravna lica fakultet/univerzitet),
8. Kopija lične karte izdate od CIPS-a i kopiju kartice tekućeg ili žiro računa kandidata.

Za sufinansiranje dijela troškova postdiplomskih studija kandidati su dužni priložiti:

1. Potvrda o upisu na postdiplomski studij,
2. Potvrda o visini školarine na postdiplomskom studiju,
3. Preporuke dva profesora,
4. Uvjerenje fakulteta o prosjeku ocjena dodiplomskog ili postdiplomskog studija (prednost imaju kandidati sa većim prosječkom ocjena),

5. Izjava kandidata potpisana i ovjerena od strane nadležnog organa, da kandidat ličnim sredstvima finansira troškove školarine,
6. Identifikacioni broj,
7. Spesimen potpisa sa brojem žir, odnosno naziv banke i broj žir pravnog lica kod banke i filijala (za pravna lica fakultet/univerzitet),
8. Kopija lične karte izdate od CIPS-a i kopiju kartice tekućeg ili žiro računa kandidata.

Za sufinansiranje dijela troškova objavljivanja naučnih radova u časopisima koje indeksira Current Contents kandidati su dužni priložiti:

1. Naziv pravnog lica u kojem je kandidat zaposlen,
2. Naslov rada, biografske i bibliografske podatke prvog autora,
3. Potvrdu o prispijeću rada u Redakciju časopisa,
4. Kopija lične karte izdate od CIPS-a i kopiju kartice tekućeg ili žiro računa kandidata,
5. Kopiju probnog otiska (eng. proof sheet) prije definitivnog štampanja rada,
6. Separat rada nakon objavljivanja,
7. Kopiju računa izdatog od izdavača časopisa u kojem će biti štampan rad,
8. Fotokopiju stranice časopisa na kojoj piše da je časopis indeksiran u Current contentsu,
9. Bankovnu potvrdu o plaćanju računa za štampanje rada.

Dokumenti od rednog broja 5 do 9 kandidat će naknadno dostaviti.

Prioritet za dodjelu sredstava u skladu sa tačkom II ove odluke, redni broj 4., 5. i 6. ove odluke, imaju osobe iz kategorija:

1. Dobitnici zlatne i srebrne plakete Univerziteta,
2. Kandidati sa većim prosječkom ocjena,
3. Djeca šehida i poginulih boraca-branitelja,
4. Dobitnika najvećih ratnih priznanja,
5. Demobilisanih boraca-branitelja,
6. Socijalno ugroženih kategorija,
7. Studenti demobilisani borci - branitelji.

Osobe koje pripadaju navedenim kategorijama dužne su dostaviti odgovarajuću dokumentaciju uz aplikaciju za sufinansiranje.

Uplate po navedenim kategorijama se vrše na račun visoko - školskih institucija i naučno - istraživačkih institucija.

IV

Pored kriterija i uslova iz tačke I, II i III ove odluke, aplikanti su obavezni ispuniti jedan od prijavnih obrazaca u zavisnosti od toga za koje namjene se traži dodjela finansijskih sredstava i to:

- PRIJAVNI OBRAZAC za sufinansiranje dijela troškova organiziranja naučnih skupova, kongresa, simpozija, konferencija i seminara.
- PRIJAVNI OBRAZAC za sufinansiranje dijela troškova učešća naučnih radnika na naučnim skupovima u zemlji i inozemstvu na kojima izlazu svoje naučne radove,
- PRIJAVNI OBRAZAC za sufinansiranje i finansiranje naučno - istraživačkih i istraživačko - razvojnih projekata,
- PRIJAVNI OBRAZAC za sufinansiranje troškova izrade i odbrane doktorske disertacije,
- PRIJAVNI OBRAZAC za sufinansiranje troškova izrade i odbrane magistarskog rada,
- PRIJAVNI OBRAZAC za sufinansiranje dijela troškova postdiplomskog studija,
- PRIJAVNI OBRAZAC za sufinansiranje dijela troškova objavljivanja naučnih radova u časopisima koje indeksira Current Contents

Za sufinansiranje dijela troškova u prezentaciji i izlaganju patentnih rješenja, prijavni obrazac nije obavezan.

Prijavni obrazac aplikanti mogu preuzeti u prostorijama pisarnice Vlade Tuzlanskog kantona (prizemlje, soba br. 12) ili u prostorijama Ministarstva obrazovanja, nauke, kulture i sporta ili na WEB stranici monks@tk.km.ba

V

Javni poziv ostaje otvoren 15 dana od dana objavljivanja. Prijave na javni poziv sa potrebnom dokumentacijom slati putem pošte na adresu Ministarstvo obrazovanja, nauke, kulture i sporta Tuzlanskog kantona, Slatina 2, Tuzla ili putem pisarnice Vlade kantona na istoj adresi.

Dostavljeni dokumentacija mora biti original i ovjerena kopija.

NEPOTPUNE I NEBLAGOVREMENE PRIJAVE NEĆE SE RAZMATRATI.

MINISTARSTVO OBRAZOVANJA, NAUKE, KULTURE I SPORTA